

## Universitätsbibliothek Paderborn

## Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich Berlin, 1849

CCCLXXIII. Der Richter der Neustadt Brandenburg bittet den Kurfürsten, zu verordnen, daß der Stadtrath ihm bei der Einnahme erblos verstorbener Güter Beistand leiste, am 8. Jan. 1538.

urn:nbn:de:hbz:466:1-54022

CCCLXXIII. Der Richter der Meuftadt Brandenburg bittet den Kurfürsten, zu verordnen, daß der Stadtrath ihm bei der Ginnahme erblos verstorbener Guter Beistand leifte, am 8. Jan. 1538.

Durchleuchtigster Hochgeborner Gnedigster Churfürst vnnd herr. E. c. f. g, seind meine unterthenige gehorsame vnnd stets willig diennst zuuorn bereyth. Gnedigster herr. Alsdann E. c. f. g. vnuerborgen, das jn E. c. f. g. Newenstadt Brandenburg stirbet (sic), Dieweyl dann E. c. f. g. Herr Vatter feliger vnnd Hochloblicher gedechtnus die Oberste gericht in folcher Newenstat Brandemburg dem Rade daselbst jnn vorpsenndung zugestallt, vnnd doch sich hochgedachte jre C. f. g. Diese artickel, was verstirbet one erben, zum andern Abrunstige guttere, allwegen vorbehaltten, das jre C. f. g. vnnd die nidersten gerichte genommen haben, wie auch mein seliger vater, do bey jr C. f. g. Zeytten die velle geschehenn, eingenomen und verrechent, Dieweyl dann C. f. g. vnuerborgen, das mein vater Andres Roch verruckter Zeyt todes halben abgangenn, der dieselben nidersten gerichte an mich vnd meynen vnmundigen vettern vererbet, vnnd wir auch dieselben von E, c. f. g. zu Erblehen haben Entpfangen, Erfordern derwegen mein eyde, pflicht, auch mein vnd meines vnmundigen vettern vnuermeidliche notturfft, E. f. g. nicht zuuerschweygenn, das jn disen sherlichenn zeytten jnn E. c. f. g. Newenstat Brandemburg dergleichenn erbfelle geschehenn kennen vnd megen, Auch geschehen fein, Wie ich mich dann jnn kurtzverschiner zeyt an e. f. f. g. derhalben ehemals beklagt habe, laut meiner Supplicatien, Dieweyl ich aber des vehrlichen Sterbens halben ein zeytlang aus Brandemburgk gewichen vand doch einen andern Richter oder vorweser an mein vad meins vanmundigen vettern statt verordnet, Dieweyl aber zu beforgen ist, das sich jemandt aus Muttwillen, eygennutz vnd furnemen vnderstehn mecht einzufallen, die guttere solcher velle E. c. f. g. vnnd dem gericht abhenndig zu bringen, E. c. f. g. wollenn ann Rath derfelben Newenstat Brandenburg ein schrifftlichen beuelh mir derhalben mit gnediger befurderung gebenn laffen, das wo die noth mir oder meinem verordneten richter jnn solchen vhelen die gericht belangende zutragen vnnd erfordern würde, Damit alsdann wir den Rath von wegen E. c. f. g. vmb hulfff anzusprechenn haben, Dardurch die gutter jnuentirt vnd verwarth werden mugen, auch mir als dem Richter folch Inuentarium verantwort werde, damit E. c. f. g. vnd dem gerichte nicht abbruch geschehenn muge. E. c. f. g. wellen sich hier jnnen gnediglich erzeygen, das bin ich vmb hochgedachte E. c. f. g. mit meinen vnderthenigen gehorsamen vnd stets willigen Dienst zubeschulden bereythen. Datum jm Dorffe Jesserick, Sontags Erhardi, Anno etc. XXXVIII.

E. khurfurftl, G.

williger gehorfamer vnderthan Frantz Roch.

Rach bem Driginale.

CCCLXXIV. Rurfürst Joachim weiset den Rath der Reuftadt Brandenburg an, dem Gerichte dafelbft feinen Abbruch ju thun, am 28. Cept. 1538.

Joachim, von Gots gnaden Marggraf zu Brandemburg etc. vnd Churfürft, zu Stettin Pommern vnd in Schlessen zu Crossen hertzog. Vnsern grus zuuer. Liebe getrewen, Wes sich Frantz

